

清末民初
史料叢書 第三二種

據道光二十一年刊本影印

裕 謙撰

裕靖節公遺書
(三)

成文出版社
印行

中華民國五十八年三月臺一版

裕靖節公遺書

全三冊

定價：新台幣九二〇元正

發行人：**黃成助**

出版者：**成文出版社**
臺北郵政信箱二二六〇五號

臺北郵政信箱二二六〇五號
永和鎮永和路一段一五巷12弄14號
電話：九二二〇一〇號

印刷者：**正大印製廠**

三重市長生街二號之一

內政部登記證內版臺業字第一一四七號

版權所有

裕靖節公遺書卷十目錄

理鹺類

請嚴禁回空軍船夾帶私鹽疏稟

拏辦私鹽疏稟

禁鹽行積弊示

緝私疏引稟

議建鹽倉請咨查原辦章程稟

清釐鹽務積弊詳

理鹺類

請嚴禁回空軍船夾帶私鹽疏稟

道光二十
年七月

竊查各省軍船回空歸次經過天津等處每船例帶食鹽四十斤向有積慣販私之人名爲風客勾通丁舵水手出本分利於天津公口岸一帶盈千累萬買運赴南侵銷楚西岸地大爲淮綱之害經前督臣陶澍

奏明漕船行入江南地界卽委徐州鎮道大員嚴密迎查兼防河北漏私並於楊莊勾水起卸渡黃之後逐節委員分段梭查行次揚州之南北梭鹽廳

復酌委文武帶同兵役按船細按隨查隨放仍俟
駛出大江分委員弁在龍江蕪湖九江各關會同
監督逐幫按查各在案數年以來糧私尙知斂戢
而行之已效難免日久玩生臣仰荷

鴻慈兼權離政抵任後檢查成案見近年歸次軍船按
出夾帶鹽斤較前遞加增益是丁舵風客故智漸
萌若不嚴密按查大礙楚西銷數而事求扼要先
在清源果能嚴禁於未帶之先較之按獲於既帶
之後者事半功倍且買私議價最易耽延上載分
裝每須灣泊今若不能買帶則沿途無可逗通寓

催趲於查緝之中兼可使迅速歸次受兌冬漕現
在同空軍船將屆南下臣已飛咨直隸總督漕運
總督長蘆鹽政並劄各省糧道本年空船經過天
津滄州等處除每船例准食鹽四十斤外先期出
示曉諭嚴禁風客隨幫丁舵買帶並責成運弁嚴
密稽查如軍船行入江境查有夾私情事無論包
鹽散鹽塊鹽及鋪艙墊底醃切各鹽立即起除淨
盡嚴拏丁舵跟追風客按律重懲仍將運弁參處
一面查照舊章俟各省軍船具報由黃林莊南下
時自江南徐州起至江西九江止綿長二千餘里

碁布星羅逐段委員按察臣嚴加告戒實力盤查

務使糧私全淨淮引暢銷以期仰副

聖主整飭離綱之至意

拏辦私鹽疏稟

道光二十一年十二月

查官引滯銷由於私鹽充斥兩淮行鹽地面營汛卡房星羅碁布緝私章程不爲不密歷任督臣屢飭查拏從重懲辦亦不爲不嚴無如水路則長江大河而外湖蕩林立一望瀰漫動輒數十百里其間又港汊紛歧處處可通陸路非平行千里卽萬山叢雜守不勝守堵不勝堵以致行險嗜利之徒乘間販私不能盡絕臣於接署督篆後檢查案卷前兼署督臣麟慶督臣伊里布任內所獲私鹽業已不少若不嚴益加嚴使知法重利輕則梟販難

期斂跡當經申明舊章督飭所屬實力堵拏截至
十一月底止統計上下兩江文武員弁先後共拏
獲鹽犯朱三六等五百九名起獲私鹽六十二萬
七千七百餘斤船二百四十七隻小車四十三輛
刀械二十六件均經批司嚴行審辦近日稍知斂
跡臣仍督率所屬不遺餘力設法查拏斷不任其
始勤終怠冀收多獲私鹽卽多銷官引之效

禁鹽行積弊示

道光十一年五月

設立鹽行原爲上疏官引下便民生法甚善也該鹽行自應恪遵

功令凡有各路水販來漢買鹽卽引赴商店爲之說合再赴鹽船看定鹽色議明時價兩相情願然後時票起鹽再領水程分赴各路並須查照定例鹽不離程程不離鹽八字一律遵守則官引得以暢銷私鹽難於混雜乃各鹽行良否參半其知利害惜身家者固有其人而以行爲名假公濟私肆行無忌者亦復不少如本署道前在武昌府任內詳革

之劣監李腴春並王名希案內詳革之劣監周姓
暨飭拏之痞匪陳二摔等皆係多年積痞每人腰
間常帶店票及廢程數張何處犯案卽趕赴何處
取出腰藏各件謂爲有票有程恃蠻搪抵更有帶
子升天三把槳各種名目已屬法所難容且又勾
通水陸差保按鹽計費互相欺隱種種弊蠹日久
踵行並勾串各店下河商廝巧持店票疊用朦混
官引滯銷皆由於此本年疊奉

諭旨嚴飭查辦春間又經督憲遴委幹員於塘角地方
設卡稽查有犯必懲爾等鹽行具有耳目亦當早

爲改悔以保身家本署道在楚數年深悉各弊茲奉各大憲檄權道篆惟有執法痛懲以儆將來合卽指明各條嚴切示諭爲此示仰各鹽行等知悉爾等嗣後代水販買鹽務須於講定價值持票起鹽並領水程時總以鹽不離程程不離鹽數字格遵定例其從前不定包之空票及隨後趕來藉詞影射各情弊一概革黜其非鹽程並行者無論何店何行之鹽總以私論鹽則入官充公人則計鹽問罪重而擬絞輕亦發遣斷不稍爲寬貸冀懲已往之積蠹嚴立此後之新章本署道前在武荊兩

府任內一切公事皆準情酌理處處認真言出法
隨毫無枉縱爾等諒亦深知茲當權篆之初首嚴
緝私之令三章法可爲爾等約三尺法不能爲爾
等寬也各宜凜遵毋違

緝私疏引稟

道光十一年五月

卑府署理道篆疏引裕課是其專責敢不奉公維
謹竭盡微忱第楚省岸務疲憊異常歷來官引從
未行銷足額以致新殘套搭日行壅滯適當整頓
之際驟難力挽頽風祇有亟籌辦法勉期官引暢
銷岸務日有起色以仰副大人振紀挈綱澄釐鹺
政之至意查漢岸歲額七十七萬九千餘引尙係
雍正初年所定向於南北兩省通融銷售近越百
十餘年生齒日繁不啻蓰蕤無論貴賤老幼人人
不能淡食豈有戶口日增食鹽反致缺銷之理議

者皆謂鄰私浸灌致礙正引卑府在楚數年體察岸情周諮輿論楚省接界者南爲粵私北爲潞私西爲川私雖屬積弊所在日久相沿但查北省之施南一府暨宜昌之長樂鶴峯二州縣本係例食川鹽在所不禁其受川私之害者僅宜昌府屬東湖等縣及荊州所屬枝宜二縣受粵私之害者祇湖南之衡永等屬潞私亦只襄鄖等屬頗受其害此外如武漢黃安德等屬旣與粵川各省較遠且沿路關津卡座重疊稽查私鹽難於驟及而漢岸受害之大而且近者實爲江船夾帶腳私一事卽

如本年正月查出船戶胡祥茂一船夾帶腳私混入正引之鹽共有一百一十五引有零

奏明有案是其確證此時惟有先自緝鹽處所嚴禁腳私上船以清其源再於運抵楚岸後認真稽查以截其流並於糧船回空實力查緝以除積弊仍將粵川潞三路鄰私整飭卡座以固藩籬並嚴察各州縣督銷勤惰及各卡員是否實力巡緝各示賞罰以昭勸懲如此認真整頓庶積滯除而暢銷亦易謹將現擬各款條分縷析另開清摺呈齎憲臺核閱批示祇遵